

欽定古今圖書集成

方輿彙編職方典



欽定古今圖書集成方輿彙編職方典

第四百七十九卷目錄

汝寧府部藝文四

大道歌

周孔子

鴻隙陂

漢童謠

遊賢首山

二首

梁蔡道恭

前題

沈約

征河北宴羣臣於懸瓠方丈竹堂效柏梁聯句

北魏孝文帝

題汝陽柴潭壁

唐劉庭芝

歸汝墳山莊留別盧象

祖詠

汝墳別業

前人

汝墳秋同仙州王長史翰聞百舌鳥

前人

行至汝墳寄盧徵君

孟郊

汝墳示弟妹

沈千運

贈特進汝陽王二十韻

杜甫

新息道中

劉長卿

使還至菱陂驛渡澗水作

前人

過申州傷經陷沒

前人

淮上秋夜

劉方平

渡淮

韓翃

平蔡州

權德輿

平淮西雅

十一章

柳宗元

渡汝水向太和山

皇甫冉

渡淮

武元衡

夕次渡口

馬戴

過申州

戴叔倫

弋陽城

張祐

駐紫霞觀

方干

渡淮

宋范仲淹

新息道中遇雪

余靖

九日登城上亭呈都官水部

祖無擇

與陳景回

并序

蘇洵

濮公丹洞

柳伯達

題光州

趙抃

浮橋成

前人

登靈山

前人

環翠堂

畢公信

正月一日雪中過淮謁客回作

蘇軾

過淮贈景山兼寄子由

二首

前人

淇上曉發

前人

讀淮西碑

前人

游靜居山

前人

過淮

前人

寄新息王令藏春塢

前人

新蔡故縣別業

田金錫

題黃山谷書范滂傳

柴中守

讀汝南遺事

楊奐

發淮浦

元馬祖常

古城

前人

石田山居

前人

華嚴寺

前人

南嶽廟

前人

天塘坂

前人

淮上偶成

前人

期思

前人

光山

前人

雪中登郡城西亭

十首

前人

濮公丹洞

龔友福

九日登堅山十韻

孟洋

遊賢隱寺

前人

題汝南廢縣

傅汝礪

上蔡懷古

前人

吉祥寺

吳萊

新蔡道中

失名

龍潭靈跡

明劉淮

靈岫陰雲

前人

黃河秋月

前人

淮水春瀾

前人

五城星列

張睿

詠桃臺

趙毅

登著臺

王槩

橫山晚照

張璿

雙井

胡如暘

觀汝南王玉磬碑引

楊慎

阻雨明港寄仲默

李夢陽

遊賢隱寺

前人

三關

何景明

登釣臺

前人

普濟寺同子孟望之賦

馬錄

扒山兵行

前人

同孟濟之遊龍泉寺

唐順之

龍泉寺對雨

前人

遊鐵佛寺

楊漣

南郭村居即事

前人

遊袁雲卿震雷出莊

王納言

金碧臺讌集呈楊太史用修

劉黃裳

回山王母宮迴文二十韻

并序

劉繪

春日遊張莊壽安寺

前人

偕客泛舟元湖

前人

芙蓉館

劉大恩

行過元湖

徐中行

遊紫霞觀

岳東升

題曹貞菴先生芙蓉亭四首之一

張九一

洪河泛舟二首之一

前人

秉器登綠波樓同賦

前人

山墅喜雨

陳璋

南湖秋泛作

李本固

山居

前人

崆峒仙洞

魏闕臣

牛池紫霧

魏隆遠

丹陽福地

李若梓

春日山莊卽事

趙星宅

山中雜興

王延世

柴潭龍祠禱雨

傅振商

西湖秋月

前人

康家店卽景

張宿次

夏日荆河

秦鎬

題霸王城

鍾聲宏

平昌關述所見

朱碩勳

君子亭賞荷花同李大夫作

田藝蘅

古今圖書集成
職方典第四百七十九卷
汝寧府部藝文四
大道歌
周孔子
大道隱兮禮為基
賢人竄兮將待時
天下如一兮欲
何之

職方典第四百七十九卷

汝寧府部藝文四

大道歌

周孔子

大道隱兮禮為基
賢人竄兮將待時
天下如一兮欲
何之

鴻隙陂

漢童謠

壞陂誰翟子
威飯我豆食
芋魁反乎覆
陂當復誰云
者兩黃鵠

遊賢首山

梁蔡道恭

同來欣宿昔結駟快茲遊木落川原淨鳥呼烟霧收
狂尋危處上倦向興中休為解登山理穿雲望故丘

其二

前人

落葉垂衫袖脩脩著羽翰初當半嶺坐兼得衆峰看
幽間陰常暝籠葱氣不寒更窮巢鶴處只恐不來難

前題

沈約

賢首山險而峻乘峴岫臨乎陣騁奇謨奮卒徒斷白
馬塞飛狐殪日逐殲骨都刃谷蠡馘林狐草旣潤原
亦塗輪無返幕有烏掃殘孽震戎逋揚凱奏展歡醑

詠杖杜旋京吳

征河北宴羣臣於懸瓠方丈竹堂效柏梁聯句

北魏孝文帝

日月光天兮無不曜江右一隅獨未照文帝願從聖

明兮登衡會萬國馳誠混內外彭城雲雷大震兮天

門闢率土來賓一正歷鄭懿舜舞干戚兮天下歸文

德遠被莫不思邢巒皇風一鼓兮九地匝戴日依天

清六合道昭遵彼汝墳兮昔化貞未若今日道風明

文帝 文王政教兮暉江沼寧如大化光四表合歌

題汝陽柴潭壁

唐劉庭芝

獨坐秋陰生愁來從所適行見汝陽潭飛蘿蒙水石
懸瓠木葉上風吹何歷歷幽人不耐煩振策步閒寂
迴流清見底金沙覆銀礫錯落非一丈空濛幾千尺
魚鱗可憐紫鴨毛自然碧吟詠秋水篇自然無損益
秋水隱形影清濁混心跡歲暮歸去來東山余夙昔

歸汝墳山莊畱別盧象

祖詠

淹留歲將晏久廢南山期舊業不見棄還山從此辭
漚麻入南澗刈麥向東菑對酒鷄黍熟閉門風雪時

非君一延首誰慰遙相思

汝墳別業

前人

失路農爲業移家到汝墳獨愁常廢卷多病久離羣
鳥雀垂窻柳虹霓出澗雲山中無外事樵唱有時聞
汝墳秋同仙州王長史翰聞百舌鳥

前人

秋天聞好鳥驚起出簾幃却念殊方月能鳴已後時
遷喬誠可早出谷此何遲顧影慚無對懷羣空所思
淒涼歲欲晚蕭索燕將辭留聽未終曲彌令心獨悲

古今圖書集成
高飛憑力致巧轉任天姿返覆知而靜間關斷若遺
花繁上林路霜落汝川湄且長凌風翻乘風因有期
行至汝墳寄盧徵君
孟郊

行乏憩予駕依然見汝墳洛川方罷雪嵩障有殘雲
曳曳半空裏溶溶五色分聊題一時興因寄盧徵君
汝墳示弟妹
沈千運

今日天氣暖東風杏花坼筋力久不如却羨澗中石
神仙杳難信中壽稀滿百近世多天傷喜見鬢髮白
杖藜竹樹間宛宛舊行蹟豈知林園主却是林園客

兄弟所存半空爲亡者惜冥冥無再期哀哀望松柏
骨肉能幾人年大自疎隔性情誰免此與我不相易
唯念得爾輩時看慰朝夕平生茲已矣此外盡非適

贈特進汝陽王二十韻

杜甫

特進羣公表天人夙德升霜蹄千里駿風翮九霄鵬
服禮求毫髮推忠忘寢興聖情常有眷朝退若無憑
仙醴來浮蟻奇毛或賜鷹清關塵不雜中使日相乘
晚節嬉遊簡平居孝義稱自多親棣萼誰敢問山陵
學業醇儒富辭華哲匠能筆飛鸞聳立章罷鳳騫騰

精理通談笑忘形向友朋寸腸堪繾綣一諾豈驕矜
已忝歸曹植何知對李膺招要恩屢至崇重力難勝
披霧初歡夕高秋爽氣澄尊罍臨極浦鳧雁宿張燈
花月窮遊宴炎天避鬱蒸硯寒金井水簷動玉壺冰
瓢飲惟三徑岳樓在百層謬持螯測海况挹酒如澠
鴻寶寧全祕丹梯庶可凌淮王門有客終不愧孫登

新息道中

劉長卿

蕭條獨向汝南行雲路多逢漢騎營古木蒼蒼離亂
後幾家同住一孤城

使還至菱陂驛渡澗水作

前人

清川已再涉疲馬共西還何事行人倦終年流水間
孤烟飛廣澤一鳥向空山愁入雲峰裏蒼茫閉古關
過申州傷經陷沒

前人

舉目傷蕪沒何年此戰爭歸人失舊里老將守孤城
廢戍山烟出荒田野火行獨憐澗水上時亂亦能清
淮上秋夜

劉方平

旅夢何時盡征途望每賒晚秋淮水上新月楚人家
猿嘯空山近鴻飛極浦斜明朝南岸去定折桂枝花

渡淮

韓翃

淮水東南地無風渡亦難孤烟生乍直遠樹望空團
春浪棹聲急夕陽帆影殘清流宜映月今夜重吟看

平蔡州

權德輿

汝南城雞喔喔鳴城頭鼓角音和平路傍老人憶舊
事相與感激皆淚零老人收淚前致辭官軍入城人
不知忽驚元和十二載重見天寶太平時

平淮西雅

柳宗元

皇者其武于澱于淮既巾乃車環蔡其來狡眾昏聩

甚毒于醒狂奔叫呶以干大刑

皇咨于度惟汝一德曠誅四紀其後汝克錫汝斧鉞

其往視師師是蔡人以宥以釐

度拜稽首廟于元龜既禡既類于社是宜金節煌煌

錫盾雕戈犀甲熊旂威命是荷

度拜稽首出次于東天子餞之疊學是崇鼎臚俎載

五獻百籩凡百卿士班以周旋

既乃于滄乃翼乃前執圖厥猶其佐多賢宛宛周道

于山于川遠揚邇昭陟降連連

古今圖書集成
我旆我旂于道于陌訓于羣師拳勇來格公曰徐之
無恃額額式和爾容惟義之宅
進次于郾彼昏卒狂哀兇鞠頑鋒蝟斧蟾赤子匍匐
厥父是亢怒其萌芽以悖太陽
王旅渾渾是佚是怙既獲敵師若饑得餽蔡兇伊窘
悉起來聚左擣其虛靡愆厥慮
載闢載拔丞相是臨弛其武刑諭我德心其危既安
有衆如林曾是謹饒化爲謳吟
皇曰來歸汝復相予爵之成國胙以夏墟度拜稽首

天子聖神度拜稽首皇祐下人

淮彝旣平震是朔南宜廟宜郊以告德音歸牛休馬
豐稼于埜我武惟皇未保無疆

渡汝水向太和山

皇甫冉

落日事蹇陟西南設一峰誠知秋水淺但怯無人蹤

渡淮

武元衡

暮濤凝雲長淮水細雨飛梅五月天行子不須愁夜
泊綠楊高處有人烟

夕次淮口

馬戴

天涯秋光盡木末羣鳥還夜久遊子息月明岐路間
風生淮水上帆落楚雲間此意竟誰見行行非古關
過申州
戴叔倫

萬人曾戰死幾處見休兵井邑初安堵兒童未長成
涼風吹古木野火入殘營牢落千餘里山空水復清
弋陽城
張祜

一葉飄然下夕陽殘霞昏日樹蒼蒼葛溪漫淬干將
劍却是猿聲斷客腸

駐紫霞觀

方干

易覺春光老難消夏晝長問囚傷道氣嚼句療饑腸
殿古苔痕澀壇高松檜涼黃冠誰可語試與辯亡羊

渡淮

宋范仲淹

一棹危於葉旁觀亦損神他年在平地毋忽險中人
新息道中遇雪
余靖

寒深雪壓春去去祇傷神巢穴有歸鳥路岐無主人
遠光天共白夜色月相親獨酌不成醉翻嫌名利身
九日登城上亭呈都官水部
祖無擇

何處稱登臨高城接遠岑酒杯深映玉菊葉細浮金

美景年年定衰容日日侵感時無限思偏動洛生吟

與陳景回

有序

蘇洵

丙申歲余在京師鄉人陳景回自南來棄其官得太子中允景回舊有地在蔡今將治園圃於其間以自老余嘗有意於嵩山之下洛水之上買地築室以爲休息之館而未果今景回欲詩遂道此意景回志余言異日可以知余之非戲云爾

岷山之陽土如腴江水清滑多鯉魚古人居之富者衆我獨厭倦思移居平川如掌山水蹙恐我後世鄙

且愚經行天下愛嵩嶽欲遂買地安妻孥晴原漫漫望不盡山色照野光如濡民生舒緩無天札衣冠堂堂偉丈夫吾今隱居未有所更後十載不可無聞君厭蜀樂上蔡占地百頃無邊隅草深野闊足狐兔水種陸牧身不劬誰知李斯顧秦寵不復牽犬追黃狐今君南去已足老行看嵩少當吾廬

濮公丹洞

柳伯達

昔日何人占弋山波光嵐翠照淮灣佩蘭隱者今何在煉石山翁去不還綠水渡頭空自急白雲嶺上至

古今圖書集成
今閒高峰張令祠邊望故息荒城半草間

題光州

趙抃

郡城樓外小黃河翼軫星分擁碧蘿烟水堂開欣有
日溫泉池沼喜無疴逢人謾說燒丹術對客休誇製
錦歌聞墮玉鞭今在否至今猶說漢王過

浮橋成

前人

兩城絲竹萬家聲載酒衣冠此落成共訝橫州浮野
渡半如彩鷁結鷗盟何人隔水望洋歎此日中流自
在行聞說竹橋會渡蟻誰能舟楫濟蒼生

登靈山

前人

為愛名山好登臨盡日曛巖幽餘暑雪鐘冷入秋雲
篇味惟僧助塵凡與俗分明朝入東棹因得識吾文
環翠堂

畢公信

羣山關設險高屋照多陰晴嵐度丘壑疎翠上衣襟
正月一日雪中過淮謁客回作

蘇軾

攢眉有底恨得句不妨清霽霧開寒谷饑鴉舞雪城
橋聲春市散塔影暮淮平不用殘燈火船窻夜月明

過淮贈景山兼寄子由

前人

古今圖書集成
過淮山漸好松檜亦蒼然藹藹藏孤寺泠泠出細泉
故人真吏隱小檻帶巖偏却望臨淮市東風語笑傳

其二

回首淮陽幕簿書高沒人何時桐柏水一洗庾公塵
此去斷佳景獨遊長慘神待君詩百首來寫浙江春

淮上曉發

前人

淡月輕雲曉角哀小風吹水碧鱗開此生定向江湖
老默數淮中十往來

讀淮西碑

前人

淮西功業冠吾唐吏部文章日月光千載斷碑人膽
炙不知世有段文昌

游靜居山

前人

十載游名山自製山中衣願言畢婚嫁攜手老翠微
不悟俗緣在失身蹈危機刑名非夙學陷阱損積威
遂恐生死隔未與雲山違今日復何日芒鞋自輕飛
稽首兩足尊舉頭雙淚揮靈山會未散八部猶光輝
願從二聖往一洗千劫非徘徊竹溪月空翠搖烟霏
鐘聲自送客出谷猶依依回首吾家山歲晚將焉歸

過淮

前人

朝離新息縣初亂一水碧暮宿淮村南已度千山赤
塵語號古戍霧雨暗破驛回頭梁楚郊未與中原隔
黃州在何許想像雲夢澤吾生如寄耳初不擇所適
但存魚與稻生理已自畢獨喜小兒子少年事安逸
相從艱難中肝肺如鐵石便應與晤語何止寄衰疾

寄新息王令藏春塢

前人

令尹才高世為空歲時行樂與民同旋開小塢藏春
色更製新聲寫土風客向樽前忘爾汝路穿花去失

西東無言媯女今焉在桃李相傳恨未窮

新蔡故縣別業

田金錫

九折驅車夢易驚一椽老計喜初成園蔬不藉將軍
地宅券何勞宰相名山入平簷供遠翠水流釣石得
深清漫郎聲叟瑯玕子誰悟他生與此生

題黃山谷書范滂傳

柴中守

小春晝日如春晚飲罷披圖清興遠夜光照壁四座
驚金薤銀鉤真墨本當年太史謫宜州腸斷梅花棲
戍樓拾遺不逢東道主翰林長作夜郎囚蠻烟瘴雨

古今圖書集成
森鐵鉞正值韓盧搜兔窟老色上面勸元心惟有孤
忠懸日月郡丞嗜好殊世人攜箋乞字傳兒孫平日
孟博是知己筆下寫出精神騫興亡萬古同一轍黨
論到頭不堪說刊章下郡漢道微清流入河唐祚絕
先朝白晝狐亦鳴正氣消盡邪氣生衰草斷碑猶未
起中原戎馬來縱橫入手生蛟不敢玩往事淒涼重
三歎蘭亭瘞鶴徒爾爲好刻此書神廟算

讀汝南遺事

楊奐

六朝江水故依然隔斷中原又百年長笑桓溫無遠

略竟留王猛佐苻堅

發淮浦

元馬祖常

發淮浦兮遡黃流鼓船舷兮極浮游瞻雲漢兮天已
秋攬芙蓉兮艤芳洲酌吾酒兮樂無憂懷佳人兮結
綢繆

古城

前人

自愛屋南芳樹林一朝暑雨翠沈沈地清豈知無棲
鳳煙合時復有鳴禽讀書草堂生曙彩望野古城留
夕陰莫道楚鄉風物隔文章屈宋到如今

石田山居

前人

四月淮天雨清陰
陰碧池筍香鄰甕酒
禽響客牕基田鼓
春迎社鄉巫夜賽
祠漸知漂泊久自
覺是農師

華嚴寺

前人

化國日遲遲招提
獨往時鶴馴看梵
磬猶定護齋麋
貝葉翻經譯沙牆
應制詩庭前雙樹
好長夏得風吹

南嶽廟

前人

往歲曾高眺今朝
又漫來山禽鳴獨
樹石壁漬荒苔
水淺沙痕亂天低
鴈影回春風吹白
髮有酒且銜杯

天塘坂

前人

廣陌千家共一村
朝來澍雨喜翻盆
三農得水人間
樂萬指分禾渭上
屯穉子飯牛呼侶
伴老嫠餉黍挾
兒孫割芸未了重
纜繭此際田家思
欲焚

淮上偶成

前人

出京不寄入京書
淮水南邊有舊居
官比馬曹過騎
省文因狗監愧相
如西巖仙店終來
鳳東谷湯泉亦
戲魚豈是高情能
放逸山中蘿桂正
扶疎

期思

前人

古今圖書集成
古城猶說漢期思
土蝕荒堦楚相祠
乞得寢丘人不
奪千年渭水入荒陂

光山

前人

光山近在故山西
樹滿江頭稻滿畦
鄰屋讀書相教
授社祠醉酒共提攜
水牛礪角嫌耕少
野繭抽絲喜
價低春雨行田無
從吏獨騎羸馬畏青泥

雪中登郡城西亭

前人

躡雲上層臺
娟娟撫修林
雜佩遺江妃
遠響聽幽禽
其二

前人

澗谷古寒藤
冰光見魚影
歲暮風雪交
敲瓶煮茶茗

其三

梅蕊發寒樹
孤芳寄江沙
忽得雲母屏
光色凌歲華

其四

燎持熏我衣
出逢歲寒友
澗壑多幽陰
觴酒且攜缶

其五

飛沙墮橫塘
鏡影照宮額
天路昭華瑄
吹香慰幽客

其六

石路屐齒滑
天風吹高寒
花明喜珠綴
竹瘦愁露溥

其七

日讀種樹書自喜豐年瑞籃輿行田間相勞與嗣歲

其八

兔跡行可尋馬力寒亦勁馳獵意已銷獨坐有嘯詠

其九

楚甸無層冰霰霰土膏濕更憐三角湖澄澈瑩寒碧

其十

濛濛翳江嶼艤船夜問酒路逢白髮翁憔悴看魚笱

濮公丹洞

龔友福

濮公會此學神仙飛騰一去千餘年搜窮勝景訪仙

蹟但遺丹井清冷泉蒼山翠律枕淮水懸巖古洞埋

雲烟神仙茫茫不可詰往事獨見居人傳羽衣接迹

千載後結庵構宇當巖前巖前種藥草自異青松翠

柏高參天自慚汨汨走聲利登臨此地空留連

九日登堅山十韻

孟洋

辭喧來野寺九日復登臨遠樹垂天際孤城帶雨淫

風雲盤衆壑鴻鴈避危岑騎轉奇葩亂泉飛雜佩侵

穿林饒虎跡俯澗有龍吟作賦慚先哲遊觀愜素襟

古今圖書集成
帽隨楓葉墜杯映菊花斟何事牛山淚空懷鷺嶺心
泛萸香細細攀桂碧森森歸臥空房寂猶聞長嘯音

遊賢隱寺

前人

暑殿清風繞萬松夕窻殘月隱千峰焚香夜靜山花
對倚杖憑高野衲從路轉澗樵遙聽笛巢歸塔鶴一
鳴鐘欲知塵世殊林隔門外烟霞更百重

題汝南廢縣

傅汝礪

驛騎如雲遠自天眼中陳蔡鬱相連高崖映日飛黃
霧亂木含風舞翠烟汝水近通城北路確山遠帶郡

西田經過莫怪頻回首無限秋懷攬轡前

上蔡懷古

前人

上蔡城頭黃葉多聞雞看劍起長歌徒憐丞相門東
犬猶憶將軍半夜鵝村底衣裳沾霧雨馬前燈火動
星河涼風滿路吹行鐸那似金門聽玉珂

吉祥寺

吳萊

一夕逢寒食行吟採物華風生敲檻竹雨濕墜船花
曲塢青龍樹長灘白鷺沙回看湖水上直去到君家

新蔡道中

失名

古今圖書集成
拾薪溪女踏晴沙荒崦衡茅四五家兵後不知春富
貴野桃無主亂開花

龍潭靈跡

明劉淮

悠悠潭水影坤靈老子憑來照鶴形林木四時山氣
潤人家十里海風腥金蟾作雨浮還淺玉蝮懸崖注
不停欲借一瓢傾馬鬣蟠龍吹霧半濛溟

靈岫陰雲

前人

羣山我昔寄行蹤試驗陰晴下此峰一岫快觀天地
闊半窻坐對畫屏重石林雲度衝人冷藥草春雲拂

面濃此日重來游憩處遙憑北斗望飛鴻

黃河秋月

前人

一泓碧玉蘸山城月色纔添潑眼清沙上鳥聲驚夜
曙鏡中樹影空潭明此心光霽真無媿感興推敲若
有情獨立石橋毛骨爽十年醉夢劃然醒

淮水春瀾

前人

西山兩脚斷虹收河上驚濤蹴日浮泛泛魚舟迷釣
艇飛飛沙鳥失汀洲怒風晴雪排山起沒樹寒光滿
岸留誰識浩然川上興不妨倚枕漱飛流

五城星列

張睿

荒村空有五城臺世異時違事已非伯業幾消烟漠
漠金牛一去草萋萋綺羅留作山花艷絃管翻成野
鳥啼唯有當時清夜月至今光彩照前溪

詠桃臺

趙毅

玉真仙子宴桃臺星眼朦朧醉半開五色雲隨春樹
集千章錦對夕陽栽却將太液宮前景移入元都觀
裏來劉阮不須尋捷徑汝南城外是天台

登著臺

王槩

高臺突兀接荒城風雨年年著草生鳳尾飄蕭雲氣
濕龍頭天矯露華清重瞳此日升雙闕一本何時滿
百莖安得神龜常守護靈根直擬獻承明

橫山晚照

張璿

堆螺秀色枕碑塘勢入青冥隱夕陽滿地桑榆垂暮
景一林烟靄弄昏黃斜留鴈塔禪林影半散龍池道
院光到此令人情興逸無邊佳致入詩囊

雙井

胡如暘

鑿破雲根兩竅齊寒漿涸涸淨無泥千尋並浸天光

古今圖書集成
迴一色平分月影低素練銀瓶爭上下石闌荒蕪隔
東西道邊好種梧桐樹照見雙鸞來上棲

觀汝南王玉磬碑引

楊慎

汝南弟子真天人冰壺玉樹凌風塵心源早契空門
地意象遠寄荒岑濱步折峰頭翠肌草直登萬頃層
霞杪金鞭九馬蒼煙叢霓旌千騎紅雲島伐石何人
得磬襄豐碑擊作聲琳琅鳳凰毛羽落丹穴蛟龍文
采燦銀潢山圖郡乘收難采波瀾東逝星辰改眼見
雙林成古丘誰問君王仙迹留可憐南浦西山外猶

有鳴鸞歌舞樓

阻雨明港寄仲默

李夢陽

白日雲猶動青山雨忽來計程今夜會策馬出村回
月對荆門上天從夢澤開旅燈依港宿吟咏獨徘徊

遊賢隱寺

前人

谷寺鳴鐘午未深耽幽特與伴相尋行穿樹杪樓臺
見坐傍山腰紫翠沉獨響澗泉傳石竇並飛梁燕入
松陰徘徊自笑三關客佇望誰知萬里心

三關

何景明

古今圖書集成
楚塞三關隘雲峯入望重何年戎馬地空有昔人蹤
積水沉秋堞長烟帶古烽乾坤當失處饕餮任羣兇

登釣臺

前人

歲暮荒臺上孤高望不窮亂山浮落日遠水抱寒空
野鷺時親客江鴻晚避風終期謝城市來此伴漁翁

普濟寺同孟望之賦

馬錄

宛轉靈峰合微茫鳥路通閒來竹林下醉臥石房中
陰澗泉先凍陽崖蕊尚紅攀蘿探虎穴憩石俯蛟宮
上客思畱帶山僧不避驄夜深清嘯發流響入寒空

扒山兵行

前人

扒山兵古來戎卒無此名昨日府檄下州縣長吏惶
恐州人驚是時里書各射利檢報誰肯輸忠誠冊中
五百皆下戶囚首赤脚東南行承平久不經爭戰州
人誰識弓和箭押官催促早出城父子相看泣如霰
江西豺虎正縱橫別時休問何時見乃知生女勝生
男女生不死他州縣南征北守真可憐天寒日暮他
鄉邊龍車鳳輦無消息淮水悠悠何日旋

同孟濟之遊龍泉寺

唐順之

古今圖書集成
寶地風塵絕琳宮日月偏
鴈來還繞塔龍去向流泉
戶裏天花落空中梵樂傳
遠師休禁酒客醉欲逃禪
龍泉寺對雨
前人

西山爽氣朝來歇倏忽元陰滿
四垂雲裏樓臺翻借色雨中
花樹更多姿飛虹弄景搖
丹嶂瀑水分流射淥池坐
覺禪宮倍幽寂凭闌把酒
最相宜

遊鐵佛寺

楊漣

何年鐵冶範金仙勝古靈峯地
最偏徑入深林迷宛轉庭
撐古柏拂雲烟談經案近
巘巔月煮茗鏑澆廚

壁泉藜杖看山時憩此翛然疑
到小壺天

南郭村居卽事

前人

徙倚秋風外依微見遠山
童誇黃犢飽人似白鷗閒
揚子任爭席劉伶善閉關
浮生原是寄休訝鬢毛斑
遊袁雲卿震雷出莊
王納言

南山隱隱臥龍蛇雲樹葱蘢亦
可嘉初夏晚涼緣客到小
橋曲徑逐門斜杖藜緩步
尋瑤草載酒行歌問野花
迴望河梁維纜處孤村松
竹幾人家

金碧臺讌集呈楊太史用修

劉黃裳

盧橘芙蓉路欲迷高臺疊石倚丹梯漢家瑞氣迎金
馬蜀客仙才祭碧鷄萬里雲還連越嶠十年山自枕
巴西詞人况遇驅今古此日登臨酒自攜

回山王母宮迴文二十韻

并序

劉繪

回山古回中也世傳漢武覓仙王母降蟠桃瑞鶴
焉今其上有王母宮云夫黃帝乘龍穆王駕駿王
母事傳且久矣余登回山雲峰合沓石壁巒岈下
瞰涇川雙島縈紆而分派環山迤邐而交峯俯城
郭於巖峽眺林原於瀆渚信一靈境也乃展拜層

峰祈老母壽考王涇州載酒相從登閣而飲且命
八童爲瑤池之舞適天宇朗霽春氣襲人爲迴文
二十韻紀之取回山之意而作云

焚香合殿遶勝景得遊觀瀆水岐迴峽塞烟接遠巒
分逕川原抱俯巖山郭看枌榆亂鳥下柏檜老龍蟠
沅動水搖綠壑披霞駐丹氛文五色麗石磴萬巖攢
熏閣蘭烟細瀨臺玉露傳羣仙擁羽蓋彩鳳挽鳴鸞
芬棟飛文畫蘚苔障錦磐芸階馥淨界桂闕肅空壇
勤禮瞻真像肅儀仰玉冠殷薦祈親壽未言願國安

鼗鼓傳幽谷節麾散淺灘氤氳障霧暗漠漠夕輝寒
聞樂天空轉泛卮仙路盤雲洞瞰飛鶴竹亭迎舞鸞
薰旌望杳杳玉珮疑珊珊芬林快賞暫遠駕逸攀難
欣向花前舞醉從酒後謹曛曛晚上閣日暇盡餘懽

春日遊張莊壽安寺

前人

浮葉神功事杳冥逃禪靜業未難成自疑蝴蝶原非
夢却與沙蟲苦細爭乍覩飛輪塵世隔不須談偈慧
心生兩巢海鶴留人話一樹山梅款客情曲水遙連
熊耳秀飛霞常控馬鞍明絳蓮吐艷搖沙界青火含

光照化城空鏡能通陰嶂曉疎鐘先報夜峰晴杯涵
紫笋香偏細塵拂寒松風自清洗鉢池中諸水淨彈
琴圖上萬山鳴老僧日暮還相送直到溪邊不問名

偕客泛舟元湖

前人

桃花水泛映朝曦度柳飛觴翠鬱披旌拂游絲雲外
遶權凌青翰斗邊移名儔意氣同蘭葉艷女嬌歌轉
竹枝文藻空傳王謝盛山陰誰復接芳儀

芙蓉館

劉大恩

館內芙蓉香館外芙蓉簇突兀見錦城誰為主人築

行過元湖

徐中行

南去懷沙一逐臣相逢披髮醉經旬
鄴中文藻劉公幹洛下豪華石季倫
霄漢雲開臺榭迴林塘風度管絃新
江東豈乏登臨地能賦蘭苕更幾人

遊紫霞觀

岳東升

紫霞臺閣倚層霄海上三山望不遙
時有真人龍虎見更傳上帝鬼神朝
春回洞口千桃樹風轉簷牙雙玉簫
乘興便思生羽翼青天倘有赤松招

題曹貞菴先生芙蓉亭四首之一

張九一

瓜有青門地萼仍震澤秋還憐芳草岸
更鑿藕花洲西嶽仙人嶂東溟太乙舟
相看各萬里俱入鏡中浮

洪河泛舟二首之一

前人

急峽瀉河聲中流桂楫輕花依遙岸待
柳傍近灘迎天地孤舟轉文章萬象驚
蛟龍羣出舞吾醉倚青萍

秉器登綠波樓同賦

前人

飛樓千尺枕江湖鹵簿俄登漢大夫
笑倚天風生萬籟狂騎日月擁雙珠
梁間藻荇淮流轉檻外芙蓉嶽

古今圖書集成
色孤向與平原交不淺可能十日醉相娛

山墅喜雨

陳璋

春盡初鳴雨凭欄覽物華寵光當戶竹舒色傍池花
簷落蜂鬚蕊簾垂燕足沙郊原飛麥浪千隴醉農家

南湖秋泛作

李本固

露冷蘋香澤國秋相將容與上蘭舟一樽得意清商
發驚起沙邊白鷺鷗

其二

停橈宛在水中央水面霏霏菡萏香欲采芳華向淺

浦不知清露濕衣裳

其三

大士樓頭新月生馮夷宮外彩雲明湖光蕩漾天如
洗人在清虛鏡裏行

其四

荷衣蕙帶荔爲裳一任旁人說楚狂世事於今那可
問臨風且進紫霞觴

山居四首

前人

空谷渺足音衡門絕塵想閒來枕石眠夢在羲皇上

其二

湖海元龍傲蓬蒿仲蔚貧風前雙白眼裘馬是何人

其三

日高懶梳頭杖策看禾黍時有素心人班荆相晤語

其四

牀頭惟有酒門外可張羅午醉醒來晚悠悠白石歌

嶠呀仙洞

魏闕臣

千仞層巒萬仞峰天工巧削翠芙蓉徑回曾不容雙履壁立還須杖一筇雲護飛泉侵澗草霞隨閒鶴遶

巖松洞中仙竈依然在會向碧桃花下逢

牛池紫霧

魏隆遠

城隈紫氣逼晴空蕩漾霏微幾萬叢雲母面前丹色滿仙人掌上露華融數行堤柳輕搖綠一派渠荷淺著紅試看波光潏灑處猶龍會此破鴻濛

丹陽福地

李若梓

古觀沈沈晝掩關石壇松影似深山碁敲靜院林花落雲鎖幽巘野鳥閒昔有金丹飛紫霧今無大藥駐紅顏真人已跨雙鸞去華表茫茫莫可攀

古今圖書集成
春日山莊卽事

趙星宅

柳眼纔舒綠山眉遠帶痕參差松竹影掩映薜蘿門
鷗戲波搖榭花邀月度樽留連不忍去歸懶步還存

山中雜興

王延世

中峰新卜築空翠正當窻藥氣薰丹井松陰遶石幢
存思精後見煩惱定中降每憶開樽處山花撲酒缸

柴潭龍祠禱雨

傅振商

碧潭激灑影沈沈故有蟠龍發曉吟照日含珠呈寶
氣排雲神力霈甘霖水迴窟底琳宮壯露擁林隈古

廟陰節序村翁嚴伏臘寧無靈雨潤流金

西湖秋月

前人

翠光亭畔渺烟蘿淨攬銀蟾綴素波待月臺空人已
去湖光如鏡照霜娥

康家店卽景

張宿次

荒店岡頭草徑微郊原門巷杏初肥村童指點南陔
路綠樹青山白板扉

夏日荆河

秦鎬

幽事偏東郭孤筇引興賒兩岐豐漢麥五色瑞秦瓜

老葛纏村古支流瀉岸斜因逢熊處士留滯過昏鴉

題霸王城

鍾聲宏

棄却咸陽戀一隅彈丸那可奠王居徒知幕外誇扛鼎未解橋前巧授書霸業已隨秦火燼漢基方得楚人儲當年劍戟森森地野老忘機帶雨鋤

平昌關述所見

朱碩勳

淮水西邊日半明平昌關下彩雲迎山中綠桂花零亂小立殘陰吸鳳笙

君子亭賞荷花同李大夫作

田藝蘅

里無松竹憐君子隰有荷花是美人翼翼孤亭驅暑淨娟娟萬木倚涼新凌波月出天連水捉麈香生語絕塵太華峰頭仙種在製衣何必問靈均

職方典第四百八十卷

汝寧府部紀事

舊志漢武帝元年十月客星見于房

元光五年夏汝南水大壞民廬舍

元帝建昭五年秋汝南大水

宣帝甘露三年二月鳳凰集新蔡

哀帝建平三年十月汝南西平縣有柱仆地生枝如
人形身青黃面白有鬚髮長六寸一分京房易傳曰
王德衰下人將起則有木生爲人狀

漢淮陽王更始元年鍾武侯劉望聚衆于汝南稱尊號以嚴尤爲相陳茂爲將更始遣兵擊之殺望誅尤茂

劉永梁孝王八世孫也聞更始即位乃先詣洛陽獲紹封爲梁王都睢陽後因更始政亂遂據國起兵推諸豪傑沛人周建等署爲將帥攻下沛楚淮陽汝南凡得城二十八軍勢稍振建武二年帝遣大司馬吳漢等合兵圍於睢陽城中食盡未與建等走鄼諸將追急永將慶吾斬末首降

安帝元初三年汝南冬雷

桓帝延熹九年二月豫州饑

獻帝建安五年秋袁紹遣劉備略汝潁時汝南黃巾劉辟龔都等背曹操應袁紹紹遣劉備將兵助辟操遣將擊之爲備所殺六年曹操擊劉備於汝南備奔荊州

魏文帝黃初五年汝南屈雍妻王氏生男從右肋下明帝青龍五年五月熒惑犯房
晉武帝泰始四年九月豫州大水

咸寧五年九月甲午有麟見於汝南

惠帝元康四年十一月汝陰地震

五年豫州大水

八年九月豫州大水

愍帝建興四年新蔡縣吏任僑妻胡氏產二女腹心
連合

元帝太興元年西平地地震湧出水

三年六月太白歲星合於房

晉安帝隆安二年七月豫州刺史庾楷舉兵反詔使

譙王尚之討楷楷遣汝南太守段方逆尚之戰於慈
湖方大敗被誅楷奔於桓元

南宋武帝孝建三年司州刺史劉季之叛徐州刺史
劉道隆討斬之

廢帝永光元年十二月白雉見新蔡

梁簡文帝太寶二年陳霸先因侯景寇江南遣將杜
僧明爲前驅討之所向克捷因表僧明爲長史仍隨
東討軍至蔡州僧明率麾下燒賊水門大艦景尋平
南齊武帝永明元年八月新蔡縣獲嘉禾二莖九穗

一莖七穗十一月固始縣獲嘉禾一莖九穗
東昏侯永元元年七月辛未淮水變赤如血

魏明帝正光二年六月光州獻白雀八月獻八尾狐
四年三月獻白雉

隋煬帝大業四年彗星掃文昌至房而滅

唐太宗貞觀十八年秋豫州大水

元宗開元十二年豫州大水

肅宗乾元初史朝義乘邙山之捷進略申州光州李
光弼輿疾討之尋復二州

德宗貞元十八年春光蔡等州大水

李希烈燕州遼西人少籍平盧軍從李忠臣浮海戰
河北有勞及忠臣在淮西因署偏裨軍中籍籍高其
才會忠臣荒縱失事得間衆怒擁希烈聽命代宗詔
希烈專畱後事德宗立即拜節度使名其軍曰淮寧
以寵之梁崇義反勅諸道進討詔加希烈南平郡王
漢南北招討處置使及崇義平希烈功多擁兵欲有
其地會山南節度使李承至不克猶大掠而去李納
叛希烈以檢校司空兼淄青節度使討之擁衆三萬

次許州不進遣人約納爲唇齒陰計取汴州又約河北朱滔田悅等連和凶焰愈熾俄而滔等自相王遣使來奉牋希烈亦自號建興王天下都元帥建中四年賊將取汝州東都大震畱守鄭叔則壁西苑賊按兵不進帝聽盧杞計詔太子太師顏真卿諭賊旣見希烈宣詔旨希烈養子千餘拔刃競進真卿色不變希烈以身扞麾其衆退乃就館百計誘挾真卿節愈堅乃拘送蔡州真卿度必死作遺表墓志祭文指寢室西壁下曰此吾殯所也希烈已據汴潛卽皇帝位

國號大楚建元武成因窺江淮盛兵攻襄邑守將高翼死之乘勝徑薄寧陵于是汴滑副都統劉洽率其將高彥昭劉昌嬰城死戰斬首萬餘級希烈大敗追至襄邑收賊資糧而還而壽州刺史張建封亦屯固始希烈懼還汴慮真卿在蔡爲變遣將辛景臻至其所積薪於庭曰不能屈節當焚死真卿起赴火景臻等遽止之會希烈弟希倩坐朱泚誅因發怒使閹奴等害真卿曰有詔賜死真卿曰老臣無狀罪當死然使者何日長安來奴曰從大梁來真卿罵曰乃逆賊

耳何詔云遂殺之貞元初王師屢勝希烈遁歸蔡地勢日蹙希烈縮氣啖牛肉而病親將陳仙奇陰令醫毒之以死其子不發喪欲悉誅諸將乃自立未決事洩仙奇率兵譟而入斬其子函希烈并妻子七首獻天子帝以仙奇忠卽拜淮西節度使俄爲吳少誠所殺

吳少誠幽州潞人李希烈死衆推少誠德宗因授申蔡光等州節度觀察畱後阻兵拒命元和四年少誠死其養弟吳少陽自稱畱後朝廷不能制因許之九

年吳少陽死其子元濟自爲畱後據淮西以叛憲宗乃命李光顏爲節度使嚴綬爲申光蔡招撫使督諸道兵討之十年王承宗李師道數上表請赦元濟帝不從是時諸軍久未有功乃遣中尉裴度詣行營宣慰察用兵形勢度還言淮西必可取狀且曰觀諸將李光顏勇而知義必能立功帝悅考功郎中知制誥韓愈復上言以爲淮西三小州殘敝困劇之餘而當天下之全力其破敗可立而待然所未可知者在陛下斷與不斷耳因上論淮西事宜狀旣而李光顏奏

古今圖書集成
敗淮西兵於時曲帝以裴度爲知人時兵柄委於武
元衡李師道所養客說師道曰天子所以銳意誅蔡
者元衡贊之也請密往刺之元衡死則他相不敢主
其謀爭勸天子罷兵矣師道以爲然資給遣之六月
癸卯天未明元衡入朝出所居靖安坊東門有賊自
暗中殺之取其顱骨以去又入通化坊擊裴度傷其
首度氈帽厚得不死京城大駭或請罷度官以安恆
鄆之心帝怒曰若罷度官是奸謀得成朝廷無復紀
綱吾用度一人足破二賊乙丑以度爲中書侍郎同

平章事度上言淮西腹心之疾不得不除且朝廷業
已討之兩河藩鎮跋扈者將視此爲高下不可中止
帝深以爲然悉以用兵事委度討賊愈急十二年以
李愬爲唐鄧隨節度使淮西人自以爲嘗敗高袁二
帥輕愬名位素微遂不爲備愬謀襲蔡州遣馬少良
將十餘騎巡邏遇元濟捉生虞候丁士良與戰擒之
愬命釋其縛給其衣服器械署爲捉生將士良言於
愬曰吳秀琳擁三千之衆據文城柵爲賊左臂官軍
不敢近者有陳光治爲之謀主也光治勇而輕好自

出戰請爲公先擒之則秀琳自降矣戊申士良擒光治以歸三月吳秀琳以文城柵降於李愬愬慰勞之降其衆三千人秀琳將李憲有材勇愬更其名曰忠義而用之愬與秀琳謀蔡秀琳曰公欲取蔡非得李祐不可如秀琳無能爲也會祐率士卒刈麥於柴村愬使廂虞候史用誠擒之諸將討淮西四年不克饋運疲弊民至有以驢耕者帝亦病之以問宰相李逢吉等競言師老財竭意欲罷兵裴度獨無言帝問之度對曰臣請自往督戰誓不與賊俱生臣觀元濟勢

實窘蹙但諸將心不一不併力追之故未降耳若臣自詣行營諸將恐臣奪其功必爭進破賊六月以度兼彰義節度使仍充淮西宣慰招討處置使度請以韓愈爲行軍司馬陞辭言於帝曰臣若滅賊則朝天有期賊在則歸闕無日上爲之流涕李愬將攻吳房諸將曰今日往亡愬曰兵少不足戰宜出其不意彼以往亡不吾虞正可擊也遂往克其外城斬首千餘級李祐言於愬曰蔡之精兵皆在洄曲及四境拒守守州城者皆羸老之卒可以乘虛直抵其城比賊將

古今圖書集成
聞之元濟已成擒矣愬然之夜半雪甚行七十里至州城近城有鵝鴨池愬令驚之以混軍聲自少誠拒命官軍不至蔡州城下三十餘年故蔡人不爲備四鼓愬至城下無一人知者李祐李忠義鑿其城爲坎先登壯士從之雞鳴入居元濟外宅或告元濟曰官軍至矣元濟尚寢曰俘囚爲盜耳曉當盡殺之又有告者曰城陷矣元濟起聽於庭聞愬軍號令曰常侍傳語應者近萬人元濟始懼乃率左右登牙城拒戰時董重質擁精兵萬餘人據洄曲愬曰元濟所望者

重質之救耳乃訪重質家而厚撫之遣其子持書諭重質重質遂單騎詣愬降元濟于城上請罪梯而下之檻送京師不戮一人屯于鞠場以待裴度度入城李愬具橐鞬出迎拜於道左度將避之愬曰蔡人頑悖不識上下之分數十年矣願公因而示之使知朝廷之尊度乃受之還軍文城諸將請曰始公敗于朗山而不憂勝於吳房而不取冒大風盛雪而不止孤軍深入而不懼卒以成功皆衆人所不喻也敢問其故愬曰朗山不利則賊輕我不爲備矣取吳房則其

衆奔蔡併力固守故存之以分其兵風雪陰晦則烽
火不接不知吾至孤軍深入則人皆致死戰自信矣
夫視遠者不顧近慮大者不計細若務小勝恤小敗
先自撓矣何暇立功乎衆皆服愬儉於奉己而豐於
待士此其所以成功也裴度以蔡卒爲牙兵或諫曰
蔡人反側者尙多不可不備度笑曰吾爲彰義節度
使元惡旣擒蔡人則吾人也又何疑焉蔡人聞之感
泣先是吳氏父子阻兵禁人偶語于塗夜不然燭有
以酒食相過從者罪死度旣視事下令惟禁盜賊鬪

殺餘皆不問往來者不限晝夜於是蔡人始知有生
民之樂十二月賜裴度爵晉國公復入知政事李愬
進檢校尚書左僕射山南東道節度使封涼國公諸
將李光顏以下各封賞有差

元和十三年八月鹽鐵使奏上蔡等縣生菽苗草引
蔓結實味甘人賴爲食

秦宗權者上蔡人爲許牙將黃巢涉淮節度使薛能
遣宗權蒐兵淮西而許軍亂殺能宗權外示赴難因
逐刺史據蔡以叛周岌代能領節度卽授以州有兵

古今圖書集成
萬人乃遣將從諸軍敗賊於汝州楊復光言之朝擢防禦使寵其軍曰奉國卽爲本軍節度使巢走出關宗權與連和遂圍陳州擾寇梁宋間巢死宗權張甚嘯會逋殘有吞噬四海意乃遣弟宗吉等攻陷襄州等處自關中薄青齊南繚荆郢北互衛滑皆麕駭雉伏至千里無舍烟惟趙犖保陳朱全忠保汴僅自完而已然無霸王計惟亂是恃文德元年以朱全忠爲蔡州四面行營都統討之於是合諸鎮兵會上蔡分爲五軍入其地宗權堅壁上蔡以扼險要全忠拔其

壁遂圍蔡州傅城而壘以羸兵誘賊出戰盡斬之克其外城十一月宗權爲其愛將申叢執以降檻送京師與其妻趙俱斬獨柳下

後梁太祖開平元年六月汝蔡等州蝮生有野禽羣飛蔽空食之皆盡

後周太祖廣順三年汝南旬日內無鳥旣而聚山谷中集於林壓樹枝皆折

宋太祖建隆二年蔡州淫雨害稼陸地行舟詔發陳許丁夫數萬浚蔡水入潁

古今圖書集成
三年十一月歲星熒惑合於房

太宗端拱二年正月丙寅熒惑犯房第一星春汝南大旱蝗民多飢死

真宗大中祥符元年汝陽鳳源鄉醴泉出病者飲之皆愈

徽宗政和四年汝蔡間連山大小石皆變爲瑪瑙尚方因取爲器玩甚富

宣和七年信陽州東城上杏樹產芝

高宗紹興間岳飛領兵援劉錡與金人戰於蔡州敗

之遂復蔡州壬午金人犯蔡州趙樽力戰却之丙辰金人復犯蔡州趙樽擊却之戊午復引兵來攻樽又敗之魯山人牛皐少有智勇累立戰功高宗命爲蔡唐州信陽軍鎮撫使知蔡州遇敵戰輒勝金人不敢近蔡境加親衛大夫會岳飛制置江西湖北將由襄漢規中原命皐隸飛軍飛喜甚卽辟爲唐鄧襄郢州安撫使

理宗以王霆知光州兼沿邊都巡檢使冒雪夜行倍道疾馳至州分遣間探整飭戰守之具大戰金人於

古今圖書集成
謝令橋光人遂安督府魏了翁以書來慰安之以緡錢十萬勞其軍

理宗寶慶六年孟珙帥師會元那顏侂蓋圍金主於蔡史嵩之又命孟珙等帥師二萬運米三十萬石赴元人之約侂蓋大喜與珙結爲兄弟酌馬潼飲之元人既得宋助益修攻具斲木之聲聞於城中益恐往往竊議投降金人自東門出戰孟珙遮其歸路擒偏裨十有七人得降人言蔡城中飢珙曰已窘矣當盡死而守以防突圍珙與侂蓋約南北軍勿相犯侂蓋

遣張柔帥精兵三千薄城金人鉤二卒柔中流矢如蝟孟珙麾先鋒救之挾柔以出丙子黎明珙殊死戰進逼柴潭立柵潭上命諸將奪柴潭樓金人來爭諸將魚貫而上金人又飾美女以相蠱麾下張禧等殺之遂拔柴潭樓俘其將士五百三十七人初蔡州恃潭爲固外卽汝河潭高於河五六丈潭上金字號樓伏巨弩相傳下有龍人不敢近將士疑懼珙召麾下飲酒再行謂曰柴潭樓非天造地設伏弩能射遠而不能射近彼所恃此水耳決而灌之涸可立待遂鑿

堤潭果決入汝水珙命實以薪葦元人亦決練江於是兩軍皆濟攻其外城己卯破之進逼土門金人驅其老稚熬爲油號人油砲人不堪其楚珙遣道士以計說止之己丑元人及宋師合兵攻西城克之因墮其城先是忽斜虎命築砦浚濠爲備及西城墮元人宋師皆未能入但於城上立柵自蔽斜虎摘三面精銳日夕戰禦乙未金主殺廐馬五十匹及民間馬百五十匹以犒將士然其勢不可爲已珙適見黑氣壓蔡城上日且無光降者言城中絕糧已三月珙乃下

令諸軍銜枚分運雲梯布城下以攻之金主守緒集百官議傳位於東面元帥承麟時孟珙之師向南門至金字樓列雲梯令諸軍聞鼓則進馬義先登趙榮繼之萬衆競進大戰城上烏古論鎬及其將帥二百人皆降金百官方稱賀承麟卽位禮畢亟出待敵而南城之陴已立宋旗幟矣俄頃四面鼓譟夾攻聲震天地守者皆棄門走門四開孟珙名江海及那顏侏蓋之師以入金忽斜虎帥精兵一千巷戰不能禦之金主守緒知事急卽取寶玉寘於幽蘭軒環之以草

古今圖書集成
命近侍曰死便火我遂自經死忽斜虎聞之謂將士
曰吾君已崩吾何以戰爲吾不能死於亂兵之手吾
赴汝水從吾君矣諸君其善爲計言訖赴水死將士
皆曰相公能死吾輩獨不能耶於是參政字諸魯婁
室兀林荅胡士總帥元志羣帥王山兒紇石烈柏壽
烏古論桓端及軍士百餘人皆從死焉金主承麟退
保子城聞之帥羣臣入哭因謂衆曰先帝在位十年
勤儉寬仁圖復舊業有志不就可哀也已吾欲諡之
哀何如衆從之奠未畢城已陷諸將近侍共舉火焚

之奉御絳山收其骨將瘞之汝水上江海入宮執參
政張天綱珙與倂盞分金主骨及諡寶玉帶金銀印
牌有差是日金主承麟亦爲亂兵所殺金亡

元順帝至元三年陳州人棒胡反於汝寧奉彌勒佛
以妖言惑衆作亂寇歸德府焚陳州屯營於杏岡命
河南行省左丞慶童討平之乙丑汝寧獻所獲彌勒
佛小旗僞宣勅并紫金印量天尺至正十一年妖人
劉福通爲亂以紅巾爲號據朱臯攻破羅山真陽確
山遂犯舞陽葉縣等處又陷汝寧府及光息二州衆

古今圖書集成
至十萬是年汝潁之間妖寇羣起俱以紅巾爲號確
山上蔡皆應之脫脫奏以弟御史大夫也先帖木兒
爲知樞密院將諸衛兵十餘萬同老章復上蔡擒韓
咬兒等送京師誅之旣而駐兵沙河軍中夜驚也先
帖木兒盡棄軍資器械北奔汴梁收散卒屯朱仙鎮
順帝以也先帖木兒不習兵詔別將代之十二年詔
拜太不花河南行省平章政事加大尉將兵往助老
章未朞月南陽汝寧平
明成祖末樂五年汝寧山中野蠶成繭

六年信陽平昌關北三里許有大星墜地化爲石其
聲轟轟光芒射人外則純黑中具五色置之州治至
今尚存

憲宗成化七年四月金剛臺旗山崩聲震百餘里
十九年七月初十日汝寧府學大成殿成明日芝草
生於石柱下赤色六出

孝宗弘治二年六月大水壞民廬舍

二十四年大有年

武宗正德元年郡庠生燕福妻王氏一乳生三子固

始縣王輔妻楊氏一乳生三女兩家遂結爲婚姻
三年黑眚見於羅山是歲郡中大旱飢人相食

正德六年春霸寇劉六齊彥明等作亂過大河南經
汴許西平至信陽河南都指揮馬某帥兵捕之追至
武勝關輕騎出戰爲賊所敗死之信陽指揮陳某與
焉旣而都指揮李淳復帥兵追賊未及而還賊勢益
張轉掠江淮數千里復北渡河衆數萬人攻陷城邑
京畿騷動是歲秋其支黨趙鏊等復過河陷太和沈
丘等縣而至汝寧攻陷上蔡知縣霍恩死之又陷西

平知縣王佐死之屠其民幾盡遠近驚惶人無固志
知府畢昭與僉事王玪治兵守城會大同指揮汪淵
至曰兵詭道也乃分遣羽檄張大聲勢賊遂西走所
至屠戮其鋒甚銳冬十二月賊黨賈冕兒等復回兵
攻確山守備余瑛帥兵禦之衆奔潰瑛僅以身免義
勇士方瑤力戰死之時偏頭關都指揮周鏞指揮裴
璽弘農都指揮呂璽彰義都指揮張洪合兵與賊戰
於霸王臺爲賊所敗遂次汝寧先是河南巡撫都御
史鄧璋累疏請兵七年春上命右副都御史彭澤咸

古今圖書集成
寧伯仇鉞統總兵馮禎時源等以寧夏延綏遼東三路兵討之三月至西平遇賊大戰賊敗入城官軍追殺俘斬數萬餘人獲戰馬寶貨婦女各數千計賊奔河南府至洛水馮禎戰死賊復來汝寧城下見守禦甚嚴憚不敢攻而東彭澤遂駐汝寧節制諸軍四出勦殺幾盡諸將擒賊首趙鏊兄弟陳漢等二十七人檻送闕下皆伏誅

十四年十月十二日地震屋瓦有聲

世宗嘉靖元年元日地震

二年秋霖雨害稼

三年元日地震

六年光州芝草生

八年旱蝗

十三年大有年

十八年大旱蝗飛蔽天明年春大疫人相食詔免本年田租之半仍遣官賑濟

二十年五月固始民婦產龍於淮水之涯

二十三年春夏旱大飢西平地湧血三尺許

二十四年光山彘生象

二十六年七年八年俱有年

三十一年新蔡民余廷家產麟

三十二年夏四月雨至秋七月不止壞民田廬詔免田租之半

二十六年秋飛蝗蔽天

四十一年七月大風偃禾拔木

四十三年西平民寇忠家產麟其家以爲怪斃之太守徐中行感而作瑞麟圖贊

穆宗隆慶二年二月民間訛言有詔選宮女一郡處子嫁娶殆盡是月二十一日風霾四塞

四年夏大雨無麥

神宗萬曆九年七月雨雹傷稼

十一年十二月羣鳥東飛蔽天

十二年甲申大盜史世華聚衆數百千人分劫大河南北一日潛歸汝之韓莊守備熊世錦偵得其蹤夜馳騎往擒之世華覺倉卒登樓執一老嫗以蔽箭旣而從門隙下窺世錦卽飛矢中其左目遂就縛下有

古今圖書集成
司獄羣賊謀劫世華熊會有司斃之黨遂散世錦官
副總兵

十三年光山產麟有司以事聞取其皮藏之內府
十八年三月初三日黑風自西來揚沙拔木天日晝
昏

二十年夏汝水忽變其味甚惡飲者洞瀉人皆汲泉
爲炊旬日後始如故秋大水無禾

二十一年春夏霖雨歷秋彌甚勢若傾注淮汝橫溢
舟行於途人棲於木田禾廬舍崩壞殆盡其溺而死

者無算是冬大飢羣盜四起

二十二年春人相食有司以疏聞發內帑金遣官賑
濟是夏大疫

二十三年正月初八日夜分雷電大雪嚴寒數旬禽
獸斃者十之七

二十四年蝗蝻毀稼

三十一年春霖雨七旬

三十二年春大疫

三十六年戊申上蔡獲白兔

古今圖書集成
四十年壬子有年

四十四年丙辰蝗食禾殆盡

四十六年戊午八月大水九月雪

四十八年庚申夏大旱秋蝗

熹宗天啓元年辛酉正月元旦大雪彌月八月沈頴
土賊韓應龍聚衆謀叛東南行旅俱絕焚劫日凡十
餘處知縣楊文昌設計捕斬之復取圮塔磚甃月城
以備不虞

二年壬戌旱蝗

愍帝崇禎五年壬申春息商諸縣大水夏四月雪大
寒

六年癸酉冬十月有鳥鳩身猴足晝飛有聲夜棲沙
洲莫識爲何鳥是月流寇渡河犯汝按本草此鳥名
曰寇雉出主兵亂十月二十日流寇自秦晉渡河突
入中州分營四十八長驅剽掠郡縣望風驚潰將犯
汝寧時知府黃元功知縣姚士恆入覲署府事推官
于重華署縣事同知劉附鳳嚴飭城守分派汛地鄉
紳大理卿彭鯤化守南門大司馬傅振商守北門布

政吳愈守西門同知劉附鳳守東門各門分佐貳官一員督理戰守之具舉人及諸生分守角樓警鋪巡查塚夫有警則每塚一燈一夫無警則十塚一燈五塚一夫四關操練鄉勇以王基蕭承運充西關團練千總張惟敬劉合之充東關團練千總兼遊巡南北兩關日事訓練盤詰奸宄十二月雪夜有賊老回回孫尋可天飛沙來鳳知郡城有備不敢突犯從確山潛度至新安店立營一路焚劫南下七年甲戌春正月土賊五百餘人抵長堤謀劫外郭

守備劉宗順襲破之秋七月賊八大王張獻忠移營至馬鄉店燒燬村舍擄殺男婦千餘人又賊闖塌天駐寒凍店焚殺慘甚冬十月賊老回回掃地王聞人訓合營駐扈家店分兵至射橋萬金店朱湖一帶焚劫十餘晝夜村野盡空十二月土寇盛之友嘯衆據岳城其黨沈萬登稱順義王白太徵吳太宇各稱長盤子分掠省郡遊擊陳未福破之斬首千餘級生擒三百餘人之友窮遂歸流寇八年乙亥春正月初四日賊闖塌天混十萬姜兼哨

卒抵城外千總王基蕭承運統鄉兵戰於西教場賊兵益衆不能支基連殺二賊中矢而死承運力救亦被殺復掠南關城守千總劉夢星率鄉勇力戰却之賊遂合營攻東關燒房屋萬餘火半月不熄南北巨商劫殺殆盡男女被傷以萬計生員溫引厲妻韓氏不屈大罵被戮是夜賊東下焚擄楊埠瓦店諸處往破潁州尚書張鶴鳴死之賊黨後至者犯北關傅司馬以神鎗從城上擊却之轉犯東關傅又招姚家灣鄉勇千餘接戰賊遂遁次辰生員張沃擒紅甲賊數

人縛至城下斬之後二日賊過天星周清合萬餘人自南來駐營萬家店傅又遣把總劉舜卿張三奇統鄉勇夜劫賊營賊潰亂而走三月遊擊陳永福南援駐汝九月初賊薑子快梅遇春東掠經東關千總張惟敬數戰勝之賊精騎擁至惟敬力屈被砍馬下賊剖頭取腦而去至夜屯營王岡村民屠戮幾盡又支黨復南寇會大風揚沙日色昏赤賊乃拔營去副將張某率兵尾其後至馬鄉遇賊後隊數騎張受其金帛縱之及還知縣秦廷奏詰其狀張遂叛去屯於朗

古今圖書集成
山時賊千金劉復掠廟兒灣闖賊李自成掠火燒店
一斗穀鄭曰仁掠馬鄉土賊張五平亦乘機劫殺村
墟幾無人跡

九年丙子春陝西平涼巡撫同總兵尤世貴率師三
萬駐汝檄江北川陝河南鄖襄諸郡選鄉道壯丁送
軍前訓練將大創之未幾調去夏四月督撫王家禎
師次汝上總兵左良玉以征舞陽楊四功亦休兵於
汝月餘卽南下秋八月斬土賊丘二毛鄭和軒冬十
月初九日賊過天星掠官莊把總張三奇大戰勝之

賊願款三奇不聽後賊全營掩至三奇力盡被殺賊
遂破其尸長子生員鞏國次子鞏祥壻吳恩全家俱
被俎醢賊混十萬復寇東關焚河下商船煙焰互十
餘里東關四市盡燬十一月賊翻江龍呂佐掠白堰
一條龍馬元龍掠火燒店宋家店曹操王林漢掠金
鄉店射橋土賊阮德軒焚廟兒灣秦家店諸處捕盜
通判李貞會見盜寇蜂起勢難撲滅因給劄招降以
羈縻之士寇張五平郭三海侯鷺鷺陳爾學盛顯祖
等揭竿操戈剽擄無虛日也

古今圖書集成
十年丁丑春巡按楊繩武按汝檄西平都司劉洪起
領鄉勇捕獲張五平侯鷺鷥誅之復勦其餘黨檄陳
州衛軍士獲郭三海於平頭梁檄遊擊朱榮祖引兵
攻陳爾學於韓莊焚其營寨復破盛顯祖救回婦女
數千賊黨不悛猶欲刈四野麥以困斃城中知府李
燦與大司馬傅振商密以計授榮祖誘賊首殷守祖
等五十餘人入城受賞因伏甲城隍廟引入盡殺之
時一斗穀掠廟兒灣格子眼盛未正掠火燒店宋家
店一月之中四經寇掠東南村落竟成戰場十一月

太監盧九德領兵駐汝明年二月西入洛陽

十一年戊寅賊闖塌天乘虛犯汝屯寒凍店義民馮
元之兄弟統鄉勇力戰死之廩生李梅先趙純趙朴
李甲被執罵賊而死賊洪太太洪用光掠楊埠舉人
王調鼎死之

十二年己卯春賊新三營黃降順屯南關悉擄丁壯
以去五月盤踞南陽鄧州等處督師熊文燦統兵駐
汝將士不戢崇王欲疏聞之尋移師去秋七月土寇
沈萬登就撫安插真陽

古今圖書集成
十三年庚辰城內姦民傅三陰結北灣土寇趙維現等謀襲破郡城其黨馬三與賊有隙遂上變知府遣遊擊朱榮祖夜擒傅三陳政等斬之餘衆悉定時總兵黃得功劉良佐師駐汝九月賊一條棍由城西分隊南掠至三橋萬陂焚殺尤甚百姓無廬舍可居至棲廟中聞警卽竄伏草間率以爲常

十四年辛巳春保督楊文岳奉旨防汝總督丁啓睿同總兵左良玉領兵駐汝城中畏其擾害閉門不啓兵無紀律日破民寨劫掠資財更奪米麥轉貨城內

民無擔石儲靡不憤恨降賊白太徵等因衆怒倡亂昏夜抵城思攻殺驕兵以雪其憤城內戒嚴幸不擾亂城外兵民相擊及晨民大半爲兵所殺於是兵日益肆拆寺廟毀廬屋伐林木四野皆赤土矣秋七月火攻車子軍楊叅將駐汝總兵虎大威與賊任瞎子小袁營袁時中戰於楊埠賊敗遁去救回婦女四百餘名扃於閒署令其親屬識認大威尋以攻寨中飛礮死於雨花庵部下兵馬鼓譟而去冬十月總兵黃得功劉良佐左良玉十七營駐汝左兵索糧欲奪門

以進士民義倡每戶磨麵以供晝夜男女擔荷登城
絡繹不絕城下積麵如山遺道路間者厚寸許彌望
如雪左旋拔營去是月楊文岳丁啓睿奉調援汴至
汴已為水陷與闖賊戰於朱仙鎮左師先走丁楊二
帥大敗監軍道任棟陷於陣隨收兵還汝

十五年壬午夏四月楊文岳帶罪防汝獲土賊白太
徵斬之秋九月文岳調南陽闖賊破楊埠復破邢王
二寨總督傅宗龍鏖戰二十餘日師敗賊執傅抵項
城偽稱官兵賺令迎入傅大呼曰此賊耳非官兵也

傅遂為亂刃砍死項人收其屍殮於大吉寺哭祭之
賊格子眼掠南關知府傅汝為率趙發吾等戰却之
十月文岳還汝兵不滿二千巡道王世琮調川營叅
將王希申湖廣副將溫良玉趙國聘兵約萬餘援汝
時闖賊已將入陝無攻汝意適賊格子眼由汝追及
闖賊言汝之兵馬甚眾賊恐諸軍議其後遂率眾兼
程南下閏十一月初十日塘馬賈都司偵知其故馳
報文岳文岳即出示曰今日之役可戰可守相機而
行成敗勿論惟一死以報朝廷遂嚴為守禦是夜二

古今圖書集成
更賈卽率步下馬步兵千餘謀去十二日晚賊哨至北關離城三十里合圍安塘十三日賊列營四面攻圍大風淒烈日色慘淡監軍道孔貞會駐東關全師先潰縋城而上文岳督馮副將戰於南湖賊置砲堤上擊南關營柵兵士投濠死者無算賊猶以鎗刺之濠水盡赤馮副將自刎死文岳復收散卒嬰城固守時賊勢甚盛人無鬪志西關叅將王某北關副將趙某猶殊死戰至二鼓賊衆蝟集兵多被創兩將自焚營柵統其兵入月城砍馬自刎從死者千餘人賊竟

夜舉砲不絕聲震天地城陴多裂復填壕成橋連布雲梯攻城益急十四日晨有通謀崇王中貴矯王旨議降或以告文岳文岳大怒舉刀砍柱厲聲曰有敢言降者手刃之各官皆散去至午賊自西北門入城執文岳文岳挺立不屈闖賊曰先生朝廷重臣自不當屈然時勢乃爾公欲何爲耶文岳正色曰朝廷洪福無疆但恨我部下不得天下兵馬耳闖賊令其黨引至別所百計誘脅不從遂與巡道王世琮通判朱國寶同遇害賊感文岳之忠瘞其屍爲立碑書銜以

古今圖書集成
誌知府傅汝爲投北河死知縣文師頤亦死之崇王
及世子繫馬上而去被擄之民後有脫歸者云行至
泌陽爲賊所殺監軍道孔貞會亦執去不知所終十
六日東寨韓華美攜輜重眷屬投於闖賊給令箭錦
衣大馬封威武將軍卽令守汝時賊聞左帥在襄二
十日拔營追之士賊趙發吾等乘虛入城掘地穿壁
搜求無遺老幼婦女悉爲擄掠同知韓焜以署遂平
篆走嶺岬山得免於難十二月初十日收復地方調
西南鄉勇劉洪禮沈萬登守城驅除土賊士民潛匿

鄉村者始稍稍入城先是闖賊令賊將盡殺百姓羸
老者收其丁壯以爲前鋒城內止餘老幼婦女百餘
人郭外僵屍遍野以數萬計間有免死者俱無衣或
衣紙如纍囚狀韓焜出崇藩積錢每諸生給與一千
民或五百三百隨察遇難姓名一時武職則有千戶
劉懋勛袁末基楊紹祖皆戰死百戶葉榮蔭守南門
死張承德守西門死李衍壽關忠國守柵死遊擊朱
榮祖與妻俱焚死士民則有監生趙得庚楊道臨黃
鼎雲貢士林景暘生員趙重明費明棟楊應禎楊應

祥吳秀李璣楊鑣張經訓馬獻書李士諤負母求脫
被刃者郭正諤罵賊殺死者趙得唐胡端馬駿婦女
不屈被殺者大理卿李本固繼室曾氏布政石檀側
室熊氏諸生羊三桂妻石氏貢生李士純妻傅氏李
孕琦妻陳氏縊死者孔門彥母郭氏妻田氏投水未
得被殺者孔門哲妻熊氏哲女三姐罵賊死者沈一
鰲妻胡氏沈易經妻沈氏並女感姐瑞姐蘭姐逼從
不屈投井死者生員胡琦女祿姐四姐張緒孔妻徐
氏袁永基母王氏

十六年癸未春大疫死者無算夏四月闖賊於襄陽
置帥又大設僞官遣僞防禦使金有章僞府尹鄧璉
僞推官鄒應麟僞縣令樊仲表至汝檄到僞威武將
軍韓華美率胥役郊迎巡道韓焜及署縣事朱某皆
避去僞果毅將軍白九鶴以統衆護送都尉一員侯
玉鳳長旅四員分屯四門有章建牙懸纛殺戮無虛
日征求無停晷八月馬尚志受僞威武將軍蘇青山
受僞長旅韓華美分屯信陽囚官虐民以自快鄉勇
沈萬登陽爲順從陰謀殺賊九月韓焜密檄萬登誅

偽官萬登設計令鄉勇於二十四日夜二鼓詐爲土寇薄城狀有章疑懼令萬登所部孫玉成等入守城有章出走真陽縣沈萬登就擒之冬十月初一日密約孫玉成景鳳臺等以紅甲長鎗爲號遂擒偽官鄧璉馬尚志等碎磔之汝人爭啖其肉初四日韓焜至百姓焚香遮道痛哭出迎遂以萬登鎮汝明年甲申萬登之中軍王民表殺都司劉洪起弟洪勳攫其財事泄洪起稱兵復仇先揭榜通示士民以白其意韓焜知事不可爲同推官伍三秀避去固始夏四月初

一日洪起調其黨郭黃臉金臯趙發吾諸營圍城百姓食盡先殺牛驢次掘草根次食瓦松麵麩至有糜人而食者彰德司理朱明聞京師之變南奔過汝爲劉沈議和沈不聽五月初一日城破大肆焚劫殺掠無算沈萬登併孫玉成陳四諸人爲洪起所獲次日碎副於三里店時洪起自稱左鎮副將軍聯絡四方南至楚潁北至大河營寨望風而歸韓華美又棄僞職來投洪起洪起復令守汝六月初一日闖賊右翼權將軍袁宗第聞洪起破汝自德安兼程馳至洪起

棄城走楚中依左良玉華美出迎賊怒其反覆笞捶之幾斃袁據城五日入陝去九月洪起自楚復回擒有南陽開封州縣偽官解送江南遂建帥府置儀衛復假受勅印稱總鎮加官保州縣正印聽其委授勢益橫恣

汝寧府部雜錄

列子說符篇孫叔敖疾將死戒其子曰王亟封我矣吾不受也為我死王則封汝汝必無受利地楚越之間有寢丘者此地不利而名甚惡楚人鬼而越人禩可長有者唯此也孫叔敖死王果以美地封其子子辭而不受請寢丘與之至今不失

史記貨殖傳越楚則有三俗夫自淮北沛陳汝南南郡此西楚也其俗剽輕易發怒地薄寡於積聚漢書翟方進傳初汝南舊有鴻隙大陂郡以為饒成

帝時關東數水陂溢爲害方進爲相與御史大夫孔光共遣掾行視以爲決去陂水其地肥美省隄防費而無水憂遂奏罷之及翟氏滅鄉里歸惡言方進請陂下良田不得而奏罷陂云王莽時常枯旱郡中追怨方進童謠曰壞陂誰翟子威飯我豆食羹芋魁反乎覆陂當復誰云者兩黃鵠

後漢書何敞傳敞遷汝南太守修理鮑陽舊渠百姓賴其利注鮑陽縣屬汝南郡故城在今豫州新蔡縣北水經注云葛陂東出爲鮑水俗謂之三丈陂

來歙傳帝以歙有平羌隴之功故改汝南之當鄉縣爲征羌國焉注征羌故城在今豫州鄆城縣東南也水經注淮水又東逕浮光山北注淮水又東合慎縣水水出慎陽縣西而東逕慎陽縣故城南縣取名焉應劭曰慎水所出東北入淮慎水又東流積爲焦陂陂水又東南流爲上慎陂又東爲中慎陂又東南爲下慎陂皆與鴻郟陂水散流其陂首受淮川左結鴻陂漢成帝時翟方進奏毀之建武中汝南太守鄧晨欲修復之知許偉君曉知水脈名與議之偉君言成

帝用方進言毀之尋而夢上天天帝怒曰何敢敗我
濯子淵是後民失其利時有童謠曰敗我陂翟子威
及子覆陂當復明府興復廢業童謠之言將有徵矣
遂署都水掾起塘四百餘里百姓得其利

王氏談錄公言人嘗云汝南出鳴雞考之舊事漢時
於汝南取能鳴雞歌之人其云鳴雞蓋謬也



